



პრეს რელიზი 19/467  
გავრცელდეს დაუყოვნებლივ  
17 დეკემბერი, 2019

საერთაშორისო სავალუტო ფონდი  
ვაშინგტონი, კოლუმბიის ოლქი,  
20431 აშშ

**სსფ-ს აღმასრულებელ დირექტორთა საბჭომ გაფართოებული დაფინანსების  
მექანიზმის ფარგლებში საქართველოს ეკონომიკური პროგრამის მეხუთე  
მიმოხილვა დაასრულა**

- საქართველოს ეკონომიკამ ნეგატიური შოკების მიმართ მედეგობა გვაჩვენა მყარი ზრდით და მიმდინარე ანგარიშის დეფიციტის შემცირებით.
- საფინანსო სექტორის და სტრუქტურული რეფორმების გაგრძელება ეკონომიკას შოკების მიმართ უფრო მედეგს გახდის და შეინარჩუნებს ეკონომიკის ზრდას საშუალოვადიან პერიოდში.
- სსფ-ს პროგრამის გაგრძელება მოეხმარება ხელისუფლებას ეკონომიკური პოლიტიკის დისციპლინის შენარჩუნებაში და სტრუქტურული რეფორმების გატარებაში მაღალი და მეტად ინკლუზიური ზრდის ხელშესაწყობად.

ამა წლის 17 დეკემბერს საერთაშორისო სავალუტო ფონდის (სსფ) აღმასრულებელ დირექტორთა საბჭომ საქართველოს ეკონომიკური პროგრამის მეხუთე მიმოხილვა დაასრულა. აღნიშნულ პროგრამას საერთაშორისო სავალუტო ფონდი მხარს უჭერს სამწლიანი „გაფართოებული დაფინანსების მექანიზმით“ (Extended Fund Facility (EFF)). ამ მიმოხილვის დასრულებისთანავე საქართველოსთვის ხელმისაწვდომი ხდება 30 მილიონი ეს-დე-ერი (დაახლოებით 41.4 მილიონი აშშ დოლარი), შედეგად პროგრამის ფარგლებში მთლიანი ჩამორიცხვები 180 მილიონ ეს-დე-ერს (დაახლოებით 248.7 მილიონ აშშ დოლარს) გაუთანაბრდება.

ამ მიმოხილვის დასრულებისთვის, სსფ-ს აღმასრულებელ დირექტორთა საბჭომ ასევე მხედველობაში მიიღო ქვეყნის ხელისუფლების განმარტება შეუსრულებელი კრიტერიუმების შესახებ. კერძოდ: კონსოლიდირებული ბიუჯეტის დეფიციტის მოდიფიცირებულ პარამეტრთან დაკავშირებით და საპარტნიორო ფონდის საკასო დეფიციტთან დაკავშირებით.

სსფ-ს აღმასრულებელ დირექტორთა საბჭო ასევე დაეთანხმა საქართველოს პროგრამის ერთი წლით გაგრძელებას 2021 წლის 11 აპრილამდე. ამასთან, თანხის ჩამორიცხვის გრაფიკი შეიცვლება შესაბამისად. საქართველოს პროგრამა, მთლიანობაში 210.4 მილიონ ეს-დე-ერს (საქართველოს ქვოტის 100 პროცენტს) მოცულობით, სსფ-ს აღმასრულებელ დირექტორთა საბჭომ 2017 წლის 12 აპრილს დაამტკიცა. (პროგრამის დაწყების ამსახველი პრეს რელიზი: [Press Release No. 17/130](#)).

აღმასრულებელ დირექტორთა საბჭოს სხდომის დასასრულს ბატონმა ტაო ჟანგმა, სსფ-ს მმართველი დირექტორის მოადგილემ და სხდომის თავმჯდომარის მოვალეობის შემსრულებელმა, განაცხადა შემდეგი:

„საქართველოს ეკონომიკამ ნეგატიური შოკების მიმართ მედეგობა გვაჩვენა: მყარი ზრდით და მიმდინარე ანგარიშის დეფიციტის შემცირებით. თუმცა, ეკონომიკის მიმართ არსებული რისკების ბალანსი ცალსახად ნეგატიურია: საშინაო პოლიტიკური და საგარეო ვითარების გაურკვევლობა შეიძლება ინვესტიციებზე აისახოს, რაც შეამცირებს საშუალოვადიან ზრდის პერსპექტივას.

ბოლო ხანს დაფიქსირებული ინფლაციის მაღალი მაჩვენებელი განაპირობა როგორც დროებითმა ფაქტორებმა, ასევე ლარის გაუფასურებამ. საქართველოს ეროვნულმა ბანკმა მართებულად გაამკაცრა მონეტარული პოლიტიკა ინფლაციის მოლოდინის მოსათოკად და 3 პროცენტთან სამიზნე მაჩვენებელთან დასაახლოვებლად. გაცვლითი კურსის მოქნილობა განსაკუთრებული მნიშვნელობის მატარებელია, ვინაიდან ეკონომიკაზე შოკის გავლენას არბილებს. სავალუტო ბაზარზე ჩარევა უნდა მოხდეს მხოლოდ ზედმეტი რყევების შესამსუბუქებლად ან რეზერვების ზრდის მიზნით.

2020 წლის ბიუჯეტის გავლენა ეკონომიკაზე ნეიტრალურია, რაც მართებულია. ამავე დროს, იზრდება ხარჯი განათლებაზე და სოციალურ დახმარებაზე. აუცილებელია გაგრძელდეს ფრთხილი დამოკიდებულება ფისკალური რისკების მიმართ, რაც ელექტროენერჯის გარანტირებული შესყიდვის ხელშეკრულებებიდან და სახელმწიფო საწარმოების საქმიანობიდან შეიძლება წარმოიშვას; ეს შესაძლებელს გახდის ინვესტირებას ინფრასტრუქტურაში და ადამიანურ კაპიტალში, ვალის მდგრადობის შენარჩუნების პარალელურად. ახალმა, მდგრადმა წესმა პენსიების ინდექსირების შესახებ უნდა უზრუნველყოს პენსიონერთა შემოსავლის დაცვას ინფლაციისგან ისე, რომ საფრთხე არ შეექმნას ბიუჯეტის მოქნილობას და სამომავლოდ დარჩეს რესურსი სხვა, უკეთესად ტარგეტირებული სოციალური დახმარებისთვის.

საფინანსო სექტორის და სტრუქტურული რეფორმების გაგრძელება ეკონომიკას შოკების მიმართ უფრო მედეგს გახდის და შეინარჩუნებს ეკონომიკის მაღალ და მეტად ინკლუზიურ ზრდას საშუალოვადიან პერიოდში. სსფ-ს პროგრამის გაგრძელება მოეხმარება ხელისუფლებას ეკონომიკური პოლიტიკის დისციპლინის შენარჩუნებაში და რეფორმების განხორციელებაში.

სტრუქტურული და საფინანსო სფეროს რეფორმების გაგრძელება ეკონომიკას უფრო მედეგს გახდის შოკების მიმართ და მაღალ და მეტად ინკლუზიურ საშუალოვადიან ზრდას შეუწყობს ხელს. საგანმანათლებლო რეფორმის ეფექტური და დროული განხორციელება აამაღლებს სამუშაო ძალის უნარ-ჩვევებს, რაც ასევე ეკონომიკის ზრდას შეუწყობს ხელს საშუალოვადიან პერიოდში. ახალი კანონმდებლობა ბანკების რეზოლუციის ჩარჩოს და გადახდისუნარიობის წესის შესახებ გააძლიერებს ფინანსურ მდგრადობას და გააუმჯობესებს ბიზნეს გარემოს. დაგროვებითი საპენსიო რეფორმის სრული ამუშავება, მათ შორის ვრცელი საინვესტიციო სტრატეგიის მიღება, ინვესტიციების განსახორციელებლად საჭირო დანაზოგების მობილიზებას დაეხმარება, რაც ხანდაზმულთათვის დამატებითი უსაფრთხოების ბადას შექმნის“.

საქართველო: ძირითადი ეკონომიკური და ფინანსური პარამეტრები 2016-2020 1/

	2016	2017	2018	2019	2019	2020
				CR		
	Actual			19/171 <sup>2/</sup>		
<b>ეროვნული ანგარიშები და ფასები</b>						
				(წლიური ცვლილება, პროცენტი, თუ სხვა არაა მითითებული)		
რეალური მშპ	2.8	4.8	4.7	4.6	4.6	4.3
ნომინალური მშპ (მილიარდი ლარი)	34.0	37.8	41.1	44.5	45.2	49.2
ნომინალური მშპ(მილიარდი აშშ დოლარი)	14.4	15.1	16.2	16.6	16.1	17.2
მშპ, ერთ სულ მოსახლეზე (ათასი აშშ დოლარი)	3.9	4.0	4.3	4.5	4.3	4.7
მშპ-ს დეფლატორი, პერიოდის საშუალო	4.2	6.1	3.7	3.5	4.9	4.7
სამომხმარებლო ფასების ინდექსი, პერიოდის საშუალო	2.1	6.0	2.6	3.8	4.9	4.5
სამომხმარებლო ფასების ინდექსი, პერიოდის ბოლო	1.8	6.7	1.5	4.5	7.2	3.0
<b>ინვესტიციები და დანახოვები</b>				(მშპ-ს პროცენტი)		
მთლიანი ეროვნული დანახოვები	19.6	23.7	26.6	25.6	28.4	28.4
ინვესტიციები	32.7	32.4	34.0	33.1	33.8	33.7
სახელმწიფო	5.0	6.1	7.0	7.2	7.8	7.2
კერძო	27.7	26.3	27.0	25.9	26.0	26.5
<b>მთავრობის კონსოლიდირებული ბიუჯეტი</b>				(მშპ-ს პროცენტი)		
შემოსავლები და გრანტები	28.3	29.2	28.6	28.4	28.6	27.6
მ.შ. საგადასახადო შემოსავლები	25.7	26.2	25.4	25.4	25.5	24.9
ხარჯები	32.5	32.8	31.7	31.4	31.3	30.7
მიმდინარე ხარჯები	26.0	24.3	23.1	23.4	23.1	23.2
კაპ. ხარჯები და ბიუჯეტის მიერ გაცემული სესხი	6.5	8.5	8.6	8.0	8.2	7.5
წმინდა დაკრედიტება/სესხება (GFSM 2001)	-1.5	-0.5	-0.9	-1.9	-1.9	-2.4
<b>მოდულირებული წმინდა დაკრედიტება/სესხება (სსფ-ს პროგრამით დეფიციტის განსაზღვრება)<sup>2/</sup></b>	-2.9	-2.9	-2.5	-2.6	-2.3	-2.7
<b>სახელმწიფო ვალი</b>	44.4	45.1	44.9	46.7	47.9	48.3
მ.შ საქართველოს ერ. ბანკის ვალი სსფ-ს მიმართ	...	0.6	0.5	35.6	1.0	1.1
მ.შ უცხოურ ვალუტაში დენომინირებული	35.1	35.7	35.3	43.1	37.2	36.6
<b>ფული და კრედიტი</b>				(პროცენტი, თუ სხვა არაა მითითებული)		
კერძო სექტორზე გაცემული სესხი (წლიური ზრდა)	19.6	17.6	19.3	12.3	17.3	8.5
მუდმივი გაცვლითი კურსით	11.8	18.3	17.0	11.9	11.5	7.5
ფართო ფული (წლიური ზრდა)	20.4	14.8	14.0	12.8	14.7	9.2
ფართო ფული( უცხოურ ვალუტაში დეპოზიტების ჩათვლით, წლიური ზრდა)	19.1	13.7	13.3	11.8	14.9	8.1
მუდმივი გაცვლითი კურსით, წლიური ზრდა	13.4	15.8	11.9	12.4	9.2	8.1
დეპოზიტების დოლარიზაცია (წილი მთლიანში)	69.9	63.7	62.1	60.6	62.9	62.7
კრედიტის დოლარიზაცია (წილი მთლიანში)	64.6	56.1	55.8	53.7	53.7	51.3
კრედიტი მშპ-სთან შეფარდებით	54.9	58.1	63.8	66.2	68.1	67.8
<b>საგარეო სექტორი</b>				(მშპ-ს პროცენტი, თუ სხვა არაა მითითებული)		
მიმდინარე ანგარიშის დეფიციტი	-13.1	-8.7	-7.3	-7.5	-5.4	-5.3
სავაჭრო ბალანსი	-26.9	-25.2	-25.4	-25.2	-22.7	-22.2
ვაჭრობა (პროცენტული ცვლილება)	-1.4	-2.7	-5.0	1.2	0.2	-1.8
მთლიანი საერთაშორისო რეზერვი (მილიარდი აშშ დოლარი)	2.8	3.0	3.3	3.7	3.3	3.4
სსფ-ს კომპოზიტიური საზომის მიმართ (საზომი გვალებადია)	94.7	93.7	94.6	100.1	96.4	95.9
მთლიანი საგარეო ვალი	110.2	114.0	111.9	117.0	118.6	117.2
მთლიანი საგარეო ვალი, კომპანიათაშორის სესხების გარეშე	88.2	91.3	89.8	97.8	95.2	94.0
დოლარის ღირებულება ლარში (პერიოდის საშუალო)	2.37	2.51	2.53	...	...	...
ევროს ღირებულება ლარში (პერიოდის საშუალო)	2.62	2.83	2.99	...	...	...
რეალური ეფექტური გაცვლითი კურსი (პერიოდის საშუალო; სამომხმარებლო ფასების ინდექსზე დაყრდნობით, 2010=100)	100.5	100.6	104.1	...	...	...

წყარო: საქართველოს ხელისუფლება და სსფ-ს თანამშრომელთა შეფასებები.

1/ ეს მონაცემები არ არის გადათვლილი მშპ-ს განახლებულ მონაცემებით, რომელიც საქსტატმა 2019 წლის 15 ნოემბერს გამოაქვეყნა.

2/ დეტალები იხილეთ აქ: <https://www.imf.org/en/Publications/CR/Issues/2018/12/19/Georgia-Third-Review-Under-the-Extended-Fund-Facility-Arrangement-Press-Release-Staff-Report-46484>

2/ მოდიფიცირებული წმინდა დაკრედიტება/სესხება (დეფიციტი პროგრამის განმარტებით) = წმინდა დაკრედიტება/სესხება გამოკლებული ბიუჯეტის მიერ გაცემული სესხი.